



**МЕСЯЦА ЯНВАРЯ В 25-й ДЕНЬ,
АЩЕ НЕДЕЛЯ,
ИЛИ В НЕДЕЛЮ, БЛИЖАЙШУЮ ПОСЛЕ 25-го ДНЕ**

**Собор Новомучеников и исповедников Российских
НА МАЛЕЙ ВЕЧЕРНИ**

На Господи, возвах: стихиры воскресны гласа.

Слава, глас 1:

О величьи страстотерпцы,/ новомученицы Россий-
стии,/ с любовью припадаем к вам/ и, благоговейно
лобызающе раны ваша,/ прославляем ваша подвиги
и молимся:// молитве о душах наших.

И ныне, Богородичен гласа.

На стиховне стихиры новомучеников, глас 6.

Подобен: Тридневен:

**Помяни, Господи, иже о Тебе пострадавший,/ но-
вые страстотерпцы,/ от родов наших прозябший/ и
муки многоразличныя претерпевший,/ и прими их
моления// о спасении нашем.**

Стих: Мне же zelo чести быша// друзи Твой, Боже.

**Даровал еси, Судие праведный,/ исповедником
Церкви Российския/ Царство Небесное/ и блаженство
вечное./ Приими ныне, Господи, моление их// о спасе-
нии душ наших.**

Стих: Изотут их// и паче песка умножатся.

**Яко звезды пресветлыя,/ сияют на Небеси новому-
ченицы Российстии,/ кровь же их святая удобри зем-
лю Русскую/ во освящение и благословение./ Тех мо-
литвами, Христэ Боже,// помилуй и спаси души наша.**

Слава, глас и подобен тойже:

**О Троице Пресвятая,/ род наш от греховнаго плене-
ния избави/ и на путь правый настави/ представи-
тельством новомученик Российских,/ иже молят Тя, Три-
ипостасный Боже,// о спасении душ наших.**

И ныне, Богородичен:

**О Благодатная и Пречистая Дево Марие,/ Ходата-
ице и Заступнице всех верных,/ представительством**

новомучеников и исповедников Российских/ расточённые собери, малодушные возстави,/ отпадшия же от святых веры обрати// и в церковное лоно возврати.

**Тропарь воскресен.
Слава, новомучеников. И ныне, Богородичен.**

НА ВЕЛИЦЕЙ ВЕЧЕРНИ

Блажен муж: 1-й антифон.

**На Господи, воззвах: стихиры воскресны гласа
и стихиры новомучеников, глас 5.**

Подобен: Радуйся:

**Радуйтесь, новомученицы и исповедницы Россий-
стии,/ православных угодники,/ новозакланныи
агнцы,/ веры поборники и хранители,/ ходатаи о
нас к Богу непостыднии,/ в лета последняя/ страдани-
ми подражатели первым мучеником явитесь,/ тер-
пения столпы непоколебимы,// душам нашим испро-
сите велию милость.**

**Радуйтесь, страстотерпцы славнии,/ стопам послед-
дующе древних мученик,/ веры ради подвижастесь
твёрдо/ в лютаа времена земли нашея/ и ныне всех
подвижасте к славе и хвалению Бога,/ укрепляшаго
ваше немощное естество/ и обогатившаго вас даро-
ваниями Духа,// во спасение душ наших.**

Глас и подобен тойже.

Творение святителя Афанасия Ковровского:

**Приидите, Небеснии предстатели наши, к нам,/
вашего чающим милостивнаго посещения,/ и избави-
те озлобленные мучительскими прещении/ лютаго
нействования неверных,/ от нихже, яко пленницы и
нази, гонимы есмы,/ от места на место часто переходя-
ще/ и заблуждающе в вертепах и горах./ Ущедри-
те убо, прехвальнии,/ и даруйте нам ослабу,/ утолите бу-
рю/ и угасите еже на ны негодование,/ Бога моляще,//
подающего вами земли нашей велию милость.**

Ины стихиры новомучеников, глас 6.

Подобен: Все отложше:

**Святителю отче Тихоне,/ архипастырю многостра-
дальне,/ ты в годину лютых безбожных гонений/ вер-
ная чада Церкви Российския,/ утешая, призывал еси/**

за Христа и веру Православную мужественно стоять, / сам же, по вся дни умирая за паству твою, / исповедник непоколебимый явился еси. // Сего ради ты с любовью прославляем.

**Пастырю истинный, / священномучениче Владими-
ре, / егда беззаконнии понуждаху ты / Церкви Россий-
ския отступить, / верен делом и словом / святителю Ти-
хону пребыл еси / и яко священная жертва от Кіева,
матере градов русских, / Богу принеслся еси, / моляся
о убивающих ты. // Сего ради ты усердно прославляем.**

**Священномучениче Вениамине, / Церкви Христовы
истинный сыне / и благостояния ея усердный ревните-
лю, / противу лжепастырей, тщавшихся расхитити ста-
до твоё, / мужественно стал еси / и, не убоясь преще-
ний и лжесвидетельств мучителей, / обратил еси суд на
главу судивших ты, / таже смертию твою / Правосла-
вие утвердил еси. // Сего ради ты усердно ублажаем.**

Слава, новомучеников, глас 5:

**Всевышний Владыко, / в Троице славимый и по-
клоняемый, / ущедри ны благоприятными мольбами /
новых мученик Твоих, / пред мучители дерзновенно
исповедавших Тя / Единого истинного Бога / и Твоё,
Сыне Божий, / неизреченное от Матере Девы // спаси-
тельное воплощение.**

И ныне, Богородичен.

Вход. Прокімен дне. И чтёния новомучеников.

Деяний святых апостол чтение (глава 4):

**В тѣя дни собѣрашася во Иерусалим князи, старцы,
книжницы / и елицы бѣша от рода архиерейска. / И,
поставльше Петра и Иоанна посреде, вопрошаху: / ко-
ею силою или коим именем исцелиста хромѧго? /
Петр, исполнивсѧ Духа Свята, рече: / князи людстии и
старцы Израилевы, / аще мы днесь истязуеми есмы о
благодѣянии человека немощна, / о чемъ сей спасе-
ся, / разумно буди всемъ вамъ и всемъ людемъ Израиле-
вымъ, / яко во имя Иисуса Христа Назорея, / Егѡже вы
распясте, / Егѡже Бог воскресилъ от мѣртвыхъ, / о семъ сей
стоитъ предъ вами здравъ. / Сей есть камень, укоренный
отъ васъ, зиждущихъ, / бывшій во главу угла, / и несть ни о
единомъ же иномъ спасенія; / несть бо иного имени подъ**

небесѣм, даннаго в человецех,/ о немже подобает спастися нам./ Видяще же Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом бѣста;/ видяще же исцелѣвшаго человека с нима стояща,/ ничтоже имяху противу рещи./ Повелѣвше же има вон из сонмища изыти,/ стязяхуся друг со другом, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострѣтся в людех,/ прещением да запретим има ктому не глаголати о имени сем ни единому от человек./ И призавше их,/ заповѣдаша има отнюд не провѣщати, ниже учити о имени Иисусове./ Петр же и Иоанн, отвѣщавше к ним, рѣста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Онѣ же, призапрѣщше има, пустиша я,/ ничтоже обрѣтше, како мучити их, людей ради,/ яко вси прославляху Бога о бывшем:/ лет бо бѣше множае чѣтыредесяти человек той,/ на немже бысть чудо сие исцеления./ Отпущена же бѣвша, приидоста ко своим и возвестиста,/ елика к нима архиереи и старцы рѣша./ Онѣ же, слышавше, единодушно воздвигоша глас к Богу и рекоша:/ Владыко, Ты, Боже, сотвори выи небо и зѣмлю и море и вся, яже в них,/ Иже Духом Святым усты отца нашего Давида, отрока Твоего, рекл еси:/ вскую шаташася языцы и людие поучишася тщетным?/ Предсташа цари зѣмстии,/ и князи собрашася вкупе на Господа и на Христа Его./ Собрашася бо воистину во граде сем на святаго Отрока Твоего Иисуса,/ Егоже помазал еси,/ Ирод же и Понтийский Пилат, с языки и людьми израилевыми,/ сотворити, елика рука Твоя и совет Твой преднаречѣ быти./ И ныне, Господи, призри на прещения их/ и даждь рабом Твоим со всяким дерзновением глаголати слово Твое,/ внегда руку Твою прострѣти Ти во исцеления,/ и знаменiem и чудесем бѣвати, именем святым Отрока Твоего Иисуса./ И помолившимся им, подвижеся мѣсто, идеже бяху собрани,/ и исполнися вси Духа Свята,/ и глаголаху слово Божие со дерзновением.

К Тимофею послания свяятаго апостола Пávла чтéние
(глава́ 4):

Ча́до Тимофе́е,/ засвидéтельствую́бо аз пред Бо́гом и Го́сподем на́шим Иису́с Христо́м,/ хотя́щим суди́ти живы́м и ме́ртвым в явлéнии Егó и ца́рствии Егó:/ проповéдуй сло́во,/ насто́й благовре́менно и безвре́менно,/ обли́чи, запрети́, умоли́ со вся́ким долготерпéнием и учéнием./ Бúдет бо вре́мя, егда́ здра́ваго учéния не послу́шают,/ но по сво́их по́хотех изберу́т себе́ учи́тели, чéшеми слúхом,/ и от и́стины слух отвратя́т, и к ба́снем уклоня́тся./ Ты же трезви́ся о всем, злопостражди́,/ де́ло сотвори́ благове́стника,/ служéние твоё извё́стно сотвори́./ Аз бо уже́ жрен быва́ю,/ и вре́мя моего́ отше́ствия наста́./ По́двигом до́брым подвиза́хся,/ течéние сконча́х, ве́ру соблюдо́х./ Прóчее у́бо соблюда́ется мне венéц пра́вды,/ егóже возда́ст ми Госпо́дь в день он, пра́ведный Судия́,/ не то́кмо же мне, но и всем возлю́бльшим явлéние Егó.

Ко Евре́ем послания свяятаго апостола Пávла чтéние
(глава́ 11):

Бра́тие,/ и́же ве́рою победи́ша ца́рствия,/ соде́яша пра́вду, получи́ша обетова́ния,/ заградíша уста́ льво́в,/ угасíша си́лу о́гненную,/ избе́гоша о́стрей ме́ча,/ возмо́гоша от немо́щи,/ бы́ша кре́пцы во бранéх,/ обрати́ша в бе́гство полки́ чужди́х./ Прия́ша жены́ от воскресéния ме́ртвых сво́их./ Ини́и же избиéни бы́ша, не приéмше избавлéния,/ да лу́чшее воскресéние улуча́т./ Друзи́и же руга́нием и ра́нами иску́шение прия́ша,/ ещё́ же и у́з и темни́ц./ Ка́мением побиéни бы́ша,/ претре́ни бы́ша, иску́шени бы́ша,/ убийством ме́ча умро́ша,/ проидо́ша в ми́лотех и в ко́зиях ко́жах,/ лишéни, скорбя́ще, озло́блени./ Ихже не бе досто́ин весь мир,/ в пусты́нях скита́ющиеся, и в гора́х, и в верте́пах, и в про́пастех земных./ И сии́ вси, послу́шествовани́ бы́вшие ве́рою, не прия́ша обетова́ния,/ Бо́гу лу́чшее что о нас предзрэ́вшу,/ да не без нас соверше́нство при́имут.

На литіи стихіра новомучеников, глас 6.**Подобен: Отчаянная:****Творение святителя Афанасия Ковровскаго:**

Отчаянни есмь/ жития ради/ и не имамы права добродетельна,/ яко миро, приносим Ти, Господи,/ молитвы святых сродников наших./ Не отвержи Русь, издревле Святую,/ ныне же грехов наших ради люте страждущую./ Не презри слезы верных сынов,/ колен своих пред Ваалом не преклонявших,/ и ихже не поразил еси, согрешающих./ Приими нас, кающихся, Боже,// святых Твоих мольбами.

Слава, глас 8:

Приидите, мучениколюбцы,/ приидите, составим лик,/ торжествующе и Бога прославляюще/ в радостный праздник новомучеников и исповедников Российских,/ сии бо не уклоняшася скорби,/ ни убояшася темницы,/ горькими работами, голодом и холодом изморени/ и многовидными муками умерщвляеми,/ яко агнцы незлобиви, смерть прияша./ И ныне в радости святых// молят Троицаго Бога о земном отечестве своем.

И ныне, глас тойже:

Владычице, приими молитвы раб Твоих/ и избави нас// от всякия нужды и печали.

На стиховне стихіры воскресны гласа. Слава, новомучеников, глас 2: Новый доме: И ныне, Богородичен, глас 8: О, преславнаго чудесе:

Стихіры новомучеников, глас 2.**Подобен: Доме Евграфов:****Творение святителя Афанасия Ковровскаго:**

Земле Русская,/ граде святой,/ украшай твой дом,/ в немже Божественный// велий сонм святых прослави.

Стих: Господи, Господь наш,// яко чудно имя Твое по всей земли.

Церковь Русская,/ красуйся и ликуй,/ се бо чада твоя/ Престолу Владычню// во славе предстоят, радующеся.

Стих: Святым, иже суть на земли Его,// удиви Господь вся хотения Своя в них.

**Соборе святых русских,/ полче Божественный,/ мо-
литесь ко Господу/ о земном отечестве вашем// и о по-
читающих вас любовью.**

Слава, глас и подобен тойже:

**Новый доме Евфрафов,/ уделе избранный,/ Русь
Святая,/ храни веру Православную,// в нейже тебе
утверждение.**

И ныне, Богородичен, глас 8.

Подобен: О, преславного чудесе:

**О, преславного чудесе!/ Небесе и земли Царица,/ от
святых сродников наших умоляемая,/ до ныне землю
Русскую покрывает/ и лика Своего изображении ми-
лостивно обогащает./ О Владычице Державная!/ Не
престани и на будущее время/ во утверждение на
Руси Православия// милости и чудеса изливати до ве-
ка. Аминь.**

**На благословении хлебов Богородице Дево: дважды
и тропарь новомучеников единомудры.**

Тропарь новомучеников, глас 4:

Днесь радостно ликует Церковь Русская,/ прослав-
ляющи новомученики и исповедники свои:/ свя-
тители и иереи,/ царственные страстотерпцы,/ благо-
верные князи и княгини,/ преподобные мужи и жены/
и вся православные христианы,/ во дни гонения без-
божного/ жизнь свою за веру во Христа положившие/
и кровью истину соблюдшие./ Тех предстательст-
вом, долготерпеливе Господи,/ страну нашу в Право-
славии сохрани// до скончания века.

НА УТРЕНИ

**На Бог Господь: тропарь воскресен, дважды. Слава,
новомучеников. И ныне, Богородичен.**

По 1-м стихословии седален, глас 4:

**Новомученицы Российстии,/ кровию своею веру за-
печатлевшие,/ Владыку всех молите/ Церковь Рус-
скую в Православии утвердить,/ землю нашу от
скверн очистить,/ люди во благочестии сохранить/ во
общее всех спасение.**

По 2-м стихословии седален, глас 4:

Иже в земли Россійстей новомученик и исповѣдник
Твоих,/ яко багрянницею и вѣссом,/ кровью Цѣрковь
Русская украсившись, Христѣ Бѣже, теми вопиет Ти:/
людем щедроты Твоя низпосли,/ мир жителству Тво-
ему даруй/ и душам нашим велию милость.

Величание: Величаем вас,/ святѣи новомученицы и
исповѣдницы Россійстии,/ и чтим честная страдания
ваша,/ яже за Христа// претерпѣли есте.

Псалом избранный: Бог нам прибежище и сила:

По полиелѣи седален, глас 6.**Творение святителя Афанасия Ковровскаго:**

Мужайся, Христовѣ Цѣрковь,/ и державствуй над
всею борющимися,/ Христовѣ бо друзи о тебѣ пекутся,/ и
предстояще, и обстояще,/ ихже общій праздник/ ны-
не совершаеши свѣтло.

Аще храм новомучеников, прокимен, глас 4: Про-
идохом сквозѣ огонь и воду,// и избѣл еси ны в покой.
Стих: Разжѣгл ны еси, якоже разжизается сребро.
Евангелие от Матфея, зачало 36.

По 50-м псалмѣ стихира, глас 6:

Цѣркве Русския столпѣ непоколебимѣи,/ соборе но-
вомучеников и исповѣдников Россійских,/ сердцем
верующе в правду,/ усты Господа Иисуса Христа испо-
ведали есте во спасение/ и заточения, изгнания, горь-
кия работы и смерть/ Бога ради сладце претерпѣли ес-
те./ Тѣмже тепле молитесь ко Господу,/ Русь Святую в
Православии утвердѣти// и спасти души наша.

Канон новомучеников, глас 6.**Песнь 1**

Ирмос: Сеченное сечется/ море Чермное,/ волнопи-
таемая же изсушается глубина,/ таяжде купно безо-
ружным бывши проходима/ и всеоружным гроб./
**Песнь же богокрасная воспевавшая:// славно просла-
вися Христос, Бог наш.**

Припѣв: Святѣи новомученицы и исповѣдницы Рос-
сѣйстии,/ молитѣ Бога о нас.

Господи, Бóже наш, прísно прославля́й вся свя-
ты́я,/ ны́не и нас, недостóйных, сподóби сынóвне про-
сла́вити святы́х сродни́ков на́ших,/ новомучеников и
испове́дников Росси́йских.

Кровьми́ ва́шими, священномученицы, я́ко в Черм-
не́м мо́ри, потопи́ли естé безбо́жныя мучи́тели,/ Це́р-
ковь же Ру́сская, ва́ми крася́щаяся,/ похвалы́ побед-
ныя, я́ко земля́ обетова́нная мед и млеко́, вам источа́ет.

Егда́ даде́ся вам благода́ть не то́чию во Христа́ ве́-
ровати,/ но и по Нем страда́ти,/ немóкренно пучи́ну
кро́вных мук проидо́сте, святы́и мученицы,/ ве́рным
сыновом́ росси́йским о́браз я́вльше,/ и со дерзнове́н-
ным испове́данием во врата́ Небе́сная внидо́сте.

Богоро́дичен: Приими́ песнь хвале́бную, от недо-
сто́йных уст возно́симу́ю,/ препросла́вленная Ма́ти
Бо́жия.

Песнь 3

Ирмо́с: *Госпо́дь Сый всех и Зижди́тель Бог,/ созда́н-
ное, Безстра́стный, обнища́в, Себе́ соедини́,/ и Па́сха,
за я́же хотя́ше умре́ти,/ Сам, Сый, Себе́ предпожре́:/
яди́те, вопия́, Те́ло Моё́// и ве́рою утверди́теся.*

Егда́ бу́ря нече́стия на Це́рковь Ру́сскую воздви́же-
ся,/ вы, святы́и новомученицы, страда́ньми ва́шими
со тща́нием укроти́сте ю/ и по́двиги ва́шими Право-
сла́вие утверди́сте.

Му́ки ве́лия за Це́рковь Христо́ву претерпе́сте, свя-
ты́и новомученицы,/ моли́те утверди́тися ей незы́бле-
мей и непоколеби́мей до сконча́ния ве́ка.

**Страда́ньми и испове́данием Христа́, святы́и сродни-
цы на́ши,/ вше́дше в Небе́сная селéния, я́ко дре́вле Из-
раи́ль в зе́млю обетова́нную,/ оте́чество ва́ше земно́е,
Русь Святу́ю, в любви́ сохраня́йте моли́твами ва́шими.**

Богоро́дичен: Небе́сных круго́в вы́шшая/ и сла́вою
Боже́ственною преукраше́нная, Де́во Ма́ти Бо́жия,/ спаси́ ду́ши на́ша.

Седáлен, глас 2:

Нóвии страстоте́рпцы Росси́йстии,/ мученически
по́прище земно́е сконча́вшии и страда́ньми дерзно-
вение ко Госпо́ду приобре́тшии,/ моли́теся Ему́, вас
укре́пльшему,/ да и мы, егда́ на́йдет на ны испытáния
час,/ му́жества дар Бо́жий воспри́имем.

Песнь 4

Ирмос: Провидев пророк/ тайну Твою неизреченную, Христэ, провозгласи:/ положил еси твердую любовь крепости, Отче Щедрый,/ Единородного бо Сына, Благий,// очищение в мир послал еси.

Всем концем земли явися чудо смотрения Твоего, Владыко,/ кровию бо новомученик, яко водою, угасил еси в Российстей земли пламень нечестия и развращения/ и спасл еси люди Твоя.

Славу Божию унаследовасте, новомученицы, просиявшие в земли нашей,/ отвергшеся бо себе и страх смертный препобедивше,/ любовь к Богу даже до смерти мужественно сохранили есте.

Подвигом добрым подвизавшиися, святии новомученицы Российстии,/ к покаянию и добродетельному житию подвигните нас,/ да и мы вашими молитвами сподобимся прославляти Господа во Царствии Его.

Богородичен: На Твой надеющийся покров, Мати Божия,/ со святыми новомученики и исповедники Российскими прославляем милосердие Твое.

Песнь 5

Ирмос: Союзом любве/ связуеми, апостоли,/ владычествуящему всеми себе Христу возложше,/ красны ноги очищаху,// благовествующе всем мир.

Дерзновенно, святии, исповедали есте Господа пред отступники и гонители:/ с нами Бог, взывающе, разумейте и покаяйтесь,/ страха вашего не убоимся, ни же смутимся, яко с нами Бог.

Уврачуйте молитвами вашими, святии новомученицы Российстии,/ люди богоборныя, враждою и убийства дышущия,/ и мир стран нашей и верным людем даруйте.

Предстояще Христу, власть имущу судити всему миру,/ святии новомученицы и исповедницы Российстии,/ очистите нас от грехов наших молитвами вашими,/ да не с миром осуждени будем.

Богородичен: Водворяет ны змий во юдоль плача и чаяния злых,/ не можем терпети скорби своея, взываху новомученицы,/ Ты же, Богородительнице, простерла еси им покров Свой/ и спасла еси от сетей вражиих.

Песнь 6

Ирмос: *Бездна послѣдняя грехов обыде мя,/ и, волнѣния не ктому́ терпѣя,/ яко Иона Владыце, вопию Ти:// от тли мя возведи.*

Волны безбожнаго нечестія тѣххуся потопити корабль Цѣркве Русскія,/ Ты же, Истинный Кормчий, спасл еси шествующія на нем молитвами страстотѣрпцев Россійских, вопиющих:/ Господи Сил, из смертоносныя глубины возведи ны.

Безбожнии Каиновы внуцы святѣни церковныя поруганію и огню предаша,/ обители разорѣша, храмы яко овоцная хранилища содѣяша,/ христілюбивыя люди в темницы заключѣша и умучѣша./ Вы же, страстотѣрпцы, с любовью учили есте:/ сіе бысть по грехомъ нашим, людие, покайтесь.

Увы нам, увы, вопіяху исповѣдницы Россійстїи,/ видяще, яко безумнии богоборцы святѣни земли нашей разорѣша,/ обители яко узилища темничная содѣяша,/ храмы Божїи в скверная и позорищная мѣста обратиша/ и кровь христіанскую в них проліяша./ Сего ради опустошишася сердца нечестивых/ и живот их аду приблизѣся.

Богородичен: *Изведи нас из рова погѣбели/ и уврачуѣй наша греховныя язвы, Пресвятая Мати Дѣво,/ да неосужденно сподобимся присно прославляти новомученики Сына Твоего и Бога нашего.*

Кондак новомучеников, глас 3.

Подобен: *Дѣва днесь:*

Днесь новомученицы Россійстїи/ в рѣзахъ бѣлыхъ предстоѣтъ Агнцу Божію/ и со Ангелы песнь побѣдную воспеваютъ Богу:/ благословѣние, и слава, и премудрость,/ и хвала, и честь,/ и сила, и крепость/ нашему Богу// во вѣки вѣковъ. Аминь.

Песнь 7

Ирмос: *Отроцы в Вавилоне/ пещнаго пламене не убоѣшася,/ но, посреде пламене ввержени,/ орошаеми, пояху:// благословен еси, Господи, Боже отецъ нашихъ.*

Отроцы в Вавилоне древле, яко основаніе,/ новомученицы же Россійстїи нынѣ, яко увѣнчаніе,/ с лики страстотѣрпецъ присно взываютъ:/ благословен еси, Господи, Боже отецъ нашихъ.

Отроцы в Вавилоне пещнаго пламене не убоишася,/ новомученицы же Россійстии, тем подражающе,/ гонения безбожных в ничтоже вмениша,/ темже ныне согласно с ними воспевают:/ благословен еси, Господи, Боже отец наших.

Днесь торжествует Церковь Русская,/ святии бо новомученицы, сродницы наши,/ к ликостоянием святых, от века Богу благоугодивших, присовокупившеся,/ согласно с ними воспевают хвалебную песнь:/ благословен еси, Боже отец наших.

Богородичен: Предстоящи Ти Кресту Сына Твоего, Богомати,/ оружие пройде душу Твою,/ темже и попечение сугубое о возлюбивших Его прияла еси,/ иже Ты сыновне величают:/ благословена Ты в женах еси, Всенепорочная Владычице.

Песнь 8

Ирмос: *За законы отеческия/ блаженнии в Вавилоне юноши, предбедствующе,/ царюющего оплеваша повеление безумное/ и, совокуплени, имже не сварившася огнем,/ Державствующему достойную воспеваху песнь:/ Господа пойте, дела,// и превозносите во вся веки.*

Законы Христовы возлюбивша новомученицы и исповедницы Россійстии,/ безбожная же повеления отринуша/ и, ревностию о Боже связуемии,/ Богу победную песнь воспеваху:/ да благословит Господа Русь Святая и превозносит Его во веки.

Егда земля Россійская тьмою безбожия и Каиновым озлоблением объята бысть,/ тогда мнози христоролюбивии людие на горькия работы изгнани быша/ и глад, мраз, зной и смерть лютую мужественно претерпеша,/ верою же, надеждою и любовью совокуплени,/ достойную воспеваху песнь:/ да благословит Господа Русь Святая и превозносит Его во веки.

Ангелов хвалу и новомучеников славословие милостивно приемляй,/ не отрини, Триипостасный Боже, от сонма их и нас, недостойных,/ но сподоби вкупе с ними воспевати:/ да благословит Господа Русь Святая и превозносит Его во веки.

Богородичен: Зрящи поругание святого удела Своего,/ скорбяше Пречистая Мати и державную помощь

вѣрнымъ людемъ простираше,/ Сына же Своего усѣрдно
моляше, взывающи:/ да благословитъ Господа Русь
Святая и превозноситъ Его во вѣки.

Песнь 9

Ирмос: Странствія Владычня/ и безсмертныя
трапѣзы/ на Горнемъ мѣсте высокими умы,/ вѣрнии,
приидите, насладимся,/ возшедша Слова,/ от Слова
научившеся, // Егоже величаемъ.

Безсмертныя трапѣзы и жизни вѣчныя во Царствіи
Божіемъ/ наслаждаются нынѣ новомученицы и исповѣд-
ницы Россійстии,/ исполнися бо на нихъ обетованіе
Господне:/ побеждающимъ дамъ сѣсти со Мною на
Престолѣ Моѣмъ.

Да прославятся съ лики новомучениковъ и исповѣд-
никовъ Россійскихъ жены богомудрыя земли нашей,/ яже,
мироносицъ восприѣмша чинъ и мужески Христу
последовавша,/ страданія за имя Его претерпѣша/ и
вѣрно отцемъ, мужемъ и братьямъ нашимъ, Христа ради
мучимымъ, послужиша./ Сего ради нынѣ в жизни вѣч-
ней вкупе съ ними/ трапѣзы безсмертныя наслажда-
ются.

Жизнодавче Господи,/ молитвами новомучениковъ
и исповѣдниковъ Россійскихъ/ упокой со всеми правед-
ными вѣрныя рабы Твоя, за имя Твое пострадавшия:/
святители и иереи, монахи и мирскія,/ старыя, юныя
и всякъ возрастъ, именуемая и неименуемая,/ яко истинныя
сыны и други Божія.

Богородичен: Яко взбранная Воевода воинства но-
вомучениковъ и исповѣдниковъ Россійскихъ,/ держав-
ный покровъ и милостивное заступленіе явила еси,
Пресвятая Дѣво, земли нашей,/ опустошаемей скорб-
ными и безбожными наведеніи./ Сего ради нынѣ мо-
лимъ Тя:/ прости люди согрѣшшия и сохрани Святую
Русь.

Светилен новомучениковъ:

Яко отрѣбие міру быша святіи новомученицы и
исповѣдницы Россійстии,/ каменіемъ побіени быша,
претрѣни быша,/ искушени быша, убійствомъ меча
умроша,/ свидѣтельствующе о Свѣте Истиннемъ, Иисусе
Христѣ, Господѣ нашемъ.

На хвалітех стихіры новомучеников, глас 8.**Подобен: О, пресла́внаго чудесе́:**

**О, пресла́внаго чудесе́! / В послѣдняя времена́ возси-
ява́ют му́ченицы / и прѣлести мрак отгоня́ют, / ве́ра
христиа́нская ны́не возвыша́ется / и па́дает нече́с-
тие, / ра́дуются ве́рнии / и пра́здник новоявле́нным со-
ставля́ют, / вопи́юще Христу́ Бо́гу: // му́чеников похва-
ла́ и побе́да Ты еси́, Всеси́льне.**

Творѣние святітеля Афанасія Ковровскаго:

**Ве́ры броня́ми, / и щито́м благода́ти, / и креста́ копи-
ѣм воору́жившеся, / сопроти́вным си́лам непобѣди́ми
бы́сте / и, я́ко Божѣственнии хра́борницы, / де́монская
ополче́ния победивше, / со А́нгелы лику́ете, / ве́рныя же
заступа́ете, и освяща́ете, // и спаса́ете, призыва́емии.**

**О, пресла́внаго чудесе́! / Чудѣс светлосты́ми / со́лнца
светле́йше / прісно свя́тии срѣдни́цы на́ши / све́тят
конце́м Ру́сския землі, / от невече́рняго Све́та облис-
та́емии, / ихже сия́нии / о́блацы от страны́ на́шея отго-
ня́ются ва́рварстии // и де́мони побежда́ются.**

Сла́ва, глас 6:

**Новоявле́нныя звѣзды днесь / на церко́вней показа́-
шася тве́рди, / во мно́зех ме́стех бы́вшии му́ченицы
Христо́вы, / ихже ублажа́юще, мучениколю́бцы, / по
до́лгу им прирце́м, глаго́люще: / ра́дуйтеся, благоче́с-
тия утвер́ждение и нече́стия обузда́ние; / ра́дуйтеся,
Росси́йския Це́ркве сла́во и безбо́жных посрамле́-
ние; / ра́дуйтеся, о́брази терпе́ния и за Христа́ страда́-
ния. / Ста́ните, непобѣди́мии, посреде́, нас у́мне, / от
бед и искуше́ний избавля́юще, // и моли́теся о спасе́-
нии душ на́ших.**

И ны́не, Богоро́дичен.**НА ЛИТУРГІИ**

**Прокі́мен, Апѣ́стол, Ева́нгелие и прича́стен вос-
крѣсны гла́са. И новомучеников прокі́мен, глас 7: Бог
нам Прибе́жище // и Си́ла. Стих: Помо́шник в ско́рбех,
обрѣ́тших ны зело́. Апѣ́стол к Ри́мляном, зача́ло 99.
Ева́нгелие от Лу́ки, зача́ло 105–106. Конѣц: В терпе́-
нии ва́шем стяжи́те ду́ши ва́ша. Прича́стен: Ра́дуйте-
ся, пра́веднии, о Го́споде:**

Молѣтва

О святѣи новомученицы и исповѣдницы Россій-
стии:/ святѣтелие и пастырие Цѣркве Христóвы,/
царственнии страстотѣрцы,/ благовѣрнии князие и
княгини,/ дóблии во́ини, мона́си и мирстѣи,/ благоче-
стѣвии мѹ́жие и жены,/ во вся́цем вóзрасте и сослó-
вии за Христа пострада́вшии,/ вѣрность Ему́ да́же до
смѣрти свидѣтельствова́вшии/ и вене́ц жѣзни от Него́
прия́вшии!/ Вы во дни гонѣ́ния лю́таго,/ зѣмлю на́шу
от безбо́жных пости́гшаго,/ на судѣ́щах, в заточѣ́ниях
и про́пастех земных,/ в го́рьких рабо́тах и вся́ких
ско́рбных обстоя́ниях/ о́браз терпе́ния и непосты́дна-
го упова́ния мѹ́жественне яви́ли естѣ./ Ны́не же, в рай
сла́дости наслажда́ющесе,/ пред Престо́лом Бо́жиим
во сла́ве предсто́йте/ и прѣсно хвалу́ и ходата́йство со
А́нгелы и все́ми святы́ми Трїеди́ному Бо́гу возно́си-
те./ Сего́ ра́ди мы, недостóйнии,/ мо́лим вас, святѣи
сродни́цы на́ши:/ не забѹдите земна́го оте́чества ва́-
шего,/ грехо́м Ка́инова братоубѣ́йства,/ поруга́нием
святы́нь, безбо́жием и на́шими беззакóнии отягчѣ́нна-
го./ Умо́лите Го́спода Сил,/ да утверди́т Цѣрковь Свою́
непоколебѣ́му в ми́ре сем многмяте́жнем и лука́-
вом;/ да возроди́т в землѣ́ на́шей дух ра́зума и благо-
че́стия, дух свя́тости и стра́ха Бо́жия, дух братолѹ́бїа
и ми́ра;/ да па́ки бѹдем мы царское свяще́ние,/ род
Бо́жий, избра́нный и святы́й,/ прѣсно с ва́ми сла́вя-
щий Отца́ и Сы́на и Свята́го Ду́ха во ве́ки веко́в.
Ами́нь.